

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 34 (1948)

Artikel: Poesias
Autor: Vial, Gion
DOI: <https://doi.org/10.5169/seals-882181>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 02.04.2026

ETH-Bibliothek Zürich, E-Periodica, <https://www.e-periodica.ch>

Poesias

da Gion Vial

Per l' entschatta

Pren quei pign matget de feglia
e de flurs cun buna veglia.
Tscheu e leu ti forza anflas
ina larma de rugada —
de carezia contristada —
Tutt' entschatta ha confin:
ei l' entschatta della fin.

Contas gadas

Contas gadas ei l' egliada
sur la via vi sglada,
encurend sche forza ti
masses gleiti sperasvi ?

Ed igl égl ha engartau
quei ch' il cor ca ha anflau:
che las rosas uss flureschan

Contas gadas ei l' egliada
sur la via vi sglada
encurend sche forza ti
masses gleiti sperasvi ?

Ed igl égl ha engartau
quei ch' il cor vess gnanc sminau:
che las rosas ein sfluridas.

Sut steilas

Steilas e steilas che miran
sur igl uaul e la pezza,
sbrenzlan lur églis ed envidan
puspei la glisch — ch' era stezza.

Maun fin en maun nus passein
tras la cultira durmenta,
senza patarla — semiein
dalla ventira vegnenta

Crod' ina steila bufatg
en la stgiraglia, —endrida:
«Ussa giavischa, gl' ei matg . . .

A vus

Cups e cups ventira
Ein cun vus seviarts
Derschan sur cultira
Quei che vevan piars

Nova la speronza
Niev il regl vital
Forza, abuldonza
Neschan senza cal.

Ei cuorta nossa veta
In smiul semurtirar
Vus flurs rendeis pareta
Al viver — ed amar.

Ad ina flur

Ti flureschas cotschna biala
Tut persula en curtgin
Ti flureschas gia d' uriala
Fem per tei ei tut vischin.

Sur tei vargan spertas neblas,
Vargan, vargan d' incontin
Ti' odor e tias febras
Vargan, passan d' insurin

Creschas, creschas, paradeschas
Tut persula en curtgin —
Tems da flur, el varg' en prescha —
Gleiti eis ti — de negin.

S' entupada

Cons onns ein gia vargai!
Pli baul nus fuvan s' entupai
savens. Tes égls glischavan
e la ventira schavan
mirar en fina fatscha —
uss alva sco la stratscha —
Ti eis mo pli umbriva
de giuventetgna sulegliva —
e quella malegiada.

Petradad

Co la dracca tğara
tğar' ad in tğarar
dallas neblas alla tiara
petras larmas d' in amar . . .

Co il cor sefetga
e sefetg' ad in sperar,
splunta, plonscha, petga —
vul mai emblidar.

Triembel . . .

Tia cruna lontscha
vi e neu ballontscha
Cun mintga vent
eis el current
Mo tia feglia trembla.

Il vegl

Sfraccaus, tremblond sil fest pusond
el tonscha ina flur de suitg
giu dal cagliom. E sco larmond
respira, betscha quella ditg . . .
Ed ei vargaus.
